


Conoce pakico tin mata di palma completamente bon di salud ta muri



ORANJESTAD --E Red Palm Weevil su nombre científico: *Rhynchophorus ferrugineus* ta originalmente di Sur Asia y Melanesia. E ta un insecto cu ta wordo considera e insecto mas devastador di mundo pa matanan di palma. Tin dos diferente un ta e Red Palm Weevil y e otro ta esun di oranje. Na Aruba y Corsou nos conoce e red palm weevil. Cual palmanan infecta a wordo importa for di Egipto door di e hotelnan, na 2008.

WEBO DI RED PALM WEEVIL

Su color ta crema/geel. E webo ta broei denter di 2 pa 5 dia y ta bira un larva, blanco crema sin pia y un cabes maron y despues ta bira den forma di un pupa. E larva ta come den e paden di e palma yega na un tamaño di 50mm

largo. E ta keda den forma di larva 1 pa 3 luna. Pa despues di un siman e por bula caba te cu 3 miya leu. Red Palm Weevil ta un bulado fuerte cu por bula 2 pa 3 kilometer pa dia, te ora e haya un palma pa habita. E ta bula ora ta birando scur, entre 6or y 7or di anochi y tambe mainta entre 6or y 7or. E cacoon di e larva ta maron traha di e fibra di e palma, cu un tamaño di 40 mm largo. E estado di pupa ta dura entre 2 pa 3 siman.

PALM WEEVIL ADULTO

E tor por ta color cora/maron cu diferente mancha y strepi preto. Despues di dos pa tres siman como pupa e adultonan ta nace par, pa despues di 1-7 dia e muhenan cuminsa pone webo durante 45 dia. Durante di e 45 dianan aki e ta pone un averahe di 200 webo den

e diferente buraconan cu e ta bora den e palma of den e heridonan di e palma. E adulto por bula distancia largo y por move alrededor di 1 kilometer pa dia. E adulto di red Palm weevil por biba proximamente 2-3 luna. Teoreticamente un solo par di red Palm Weevil durante 4 generacion por produci 52 milyon descendiente, si no sindromanan di un forma of otro.

DAÑO CU TA WORDO CAUSA DOOR DI RED PALM WEEVIL

Ta interesante di sa cu Red palm weevil ta ataca solamente e palmanan cu troncon cu un diameter di minimo 5 cm. Ta denter di esakinan e ta sinti su mes confortabel y proteha y si e constata cu tin bastante cuminda e ta plama feromannan cu ta atrae aun mas weevil. E muhenan ta pone nan webonan den un buraco cu nan mes ta bora serca di e base di e ramanan of den heridonan cu por tin na e palma. Despues cu e larvanan a nace nan ta cuminsa coba direccion di e troncon drenta den esaki y nan ta cuminsa come e partinan moli di e curason di e palma lagando

tunnelnan largo atras, e tunnelnan aki por yega largura nan di mas cu un meter largo. Esaki ta causa cu e corona ta seca y cu e ramanan ta cay, na e base di e ramanan aki nos por observa e buraconan cu e larvanan a traha. E ambiente aki ta admiti un holo acido.

E LARVA OF E PUPA TA SER CONSIDERA UN DELICTESE

Na Laguna Beach California tin nan tin RED Palm weevil mientras cu pa 18 aña no ta permiti importa palma for di niun parti mundo. E pregunta ta con ela drenta anto? E bin Sali afo cu e ta un delicatessa y un cuminda hopi popular cu tin 80% proteina. E ta wordo hasa den azeta of cu curry y ta smaak cuminda di lama. Pues door cu nan no ta permiti transporta insecto, a logra pasa y cultiva pa consumo.

SINTOMANAN DI INFESTION DI RED PALM WEEVIL

E sintomanan di infeccion ta hopi apart pero dificil pa detecta. Nos por observa: Buraconan chikito na e base di e palmanan cu wordo uza pa pone e webonan aden. B. E pupa poni na e base di e palma. C. E corona cu normalmente tin un apariencia manera un bala bunita rondo, ta bira asimetrico cu e blachinan cu ta colga abou. D. E palma ta haya un apariencia manera un mata cu pa hopi tempo no a haya awa. Su ramanan ta cuminsa colga rimpel y ta cuminsa seca. Pa finalmente e corona kita cay.

COMBATIMENTO DI RED PALM WEEVIL

E manera mas facil pa combati e infeccion di red Palm Weevil ta di inyecta e palma cu un insecticida sistematico. Ta bora un 2 pa 4 buraco di 10 MM den e troncon di e palma y yena esakinan cu insecticida. Mester ripiti e procedura aki despues di 6 siman pa segura u tur e larvanan den e troncon a muri.

NA ARUBA MESTER BIN UN LEY DI FITO SANITARIO

Na Aruba tambe nos tin e problema aki y tin biaha ora bo acerca un hende pa wak si e tin mata infecta, nan no ta permiti niun hende revisa, esaki ta evita cu nan bisiñanan

no ta haya. Tambe tin hende no ta worry cu nan bisiña y ta kere cu ta for di nan bisiña nan palma a wordo infecta. Mester bin cu un fito sanitario, pa asina Santa Rosa den casonan asina por actua. Na e momentonan aki tin 22 hemchi pone na diferente parti di Aruba, cual Sr. Facundo di Santarosa ta check cada dos siman, pa si a haya e weevil hoga den e hemchi. E hemchi mes ta grof pa e Weevil gara subi y paden tin un likido cu tin e holo di e palma. Eigenlijk pasobra no tin e ley aki por evita pa malesanan drenta cu e matanan. Tan ten Aruba ta vulnerabel pa importacion di malesanan cu por caba cu tur sorto di matanan. Tambe e insecto aki ta wordo atrae pa e LP luz, si bo haya e insecto aki bou bo luz, esey kiernen check bo matanan di palma. Wak bou di e ultimo halanan si tin un buraco of si e ta saca un likido por ta un indicacion. Si bo kier ta sigur, bo tin cu colga un trampa busca ayudo di Pestcontrol y Fantastic Garden cu tin e 'sex formoon'. Pasobra esun cora cu Santa Rosa ta uza e ta haya for di Americanonan cu ta un 'tyrmoon' cu ta un kimica cu un palma den stress ta saca. Mas aleu ta pone melasa, holo di sucu, pa atrae e insecto den e trampa. Bo no ta pone na e palma sino mas aleu. E awa den e hemchi ta pone hoga. E tor por bula y bin biba den bo mata pa dos aña y si bo no pone atencion e por infecta bo mata pa despues na 100 nan ta sali bula bay. Despues e top di e mata ta kita cay, pues si bo no ta confia por pone e trampa na banda. Mester practica sanidad 'vito sanitaria' esaki kiernen ora cu bo ranca un hala of snoci e mata, e herida ey bo ta spuit e cu un insecticida of verf e tape. Paso manera bo corta e mata e kimica cu yama 'caironon' ta sali y e ta atrae e toman. Aruba no ta liber di tor, y mas awa bo duna un palma mas kimica e ta saca y mas e ta atrae e toman. Siman pasa a gara un solo tor, pa motibo di e segura. Palma di dader ta un palma cu no ta wordo planta mucho mas, pa miedo di perdi door di e tor. Pero no tin prueba pero ta pensa cu e por manifesta den nos matanan di coco door di adapta na e medio ambiente. Paso si e no haya su cuminda preferi e por cambia y adapta. Con lihe por haci esey nos no sa. □